

中國方志叢書·華南地方·第一七四號

據


清馬呈圖纂輯
民國二十七年重刊本

影印

廣東省

宣統高要縣志

(一)



成文出版社有限公司印行



10101560

1229
H89
3174

5/26/01

中國方志叢書·華南地方·第一七四號

據


清馬呈圖纂輯
民國二十七年重刊本

影印

廣東省

宣統高要縣志

(二)



成文出版社有限公司印行



10101561

919020

10/9875

中國方志叢書·華南地方·第一七四號

據


清馬呈圖纂輯
民國二十七年重刊本

影印

廣東省

宣統高要縣志

成文出版社有限公司印行



10101562

486/010/985

中華民國二十五年重陽

宣統高要縣志

台山馬炳乾署



序

余於癸酉八月奉檄權高要縣篆下車後檢尋縣志將以攷鏡既往爲張弛興革之本惟高要縣志修於清道光五年乙酉其後未有重修之者同治元年壬戌邑紳黃登瀛等纂輯續志稿附於道光志以存然僅畧舉其要餘多闕焉不詳自宣統三年辛亥清室遜政由是上溯同治壬戌垂五十年又上溯道光乙酉則八十餘年矣時勢遷移演而益進乃文獻闕畧如此識者憾焉縣人梁君嘯雲陳君滌吾同在縣府襄理政務圖與論及此事兩君謂民國四年邑人議定重修縣志載至宣統三年止中因政局倏擾人事變遷屢經停輟今全稿大致編就其未完者送邑紳陳博士煥章爲之補輯且總其成適博士在港寓逝世其門人番禺鄔君慶時承其師緒爲之排整致力頗劬云二十三年九月書成翌年猶未付刊余以高要重修縣志自始事以來歲逾廿稔編纂前後雜出多人又聞之人言當時採訪未盡翔實因與邑人士謀邀請吳君功補梁君煥楠陳君滌吾羅君功武孔君劍坡

羅君旋病卒孔君亦以疾謝事

梁君粹珊范君伯勤吳君幼舫梁君

宣統高要縣志

嘯雲等覆加攷訂名爲宣統高要志并纂述民國以來事實別爲一書吳君等謙讓至再以桑梓之誼敦勸始勉肩任二十五年冬余調任揭陽去日爲之籌撥刊資存之志局今年春滌吾書來云宣統志攷訂粗完唯同人等聞見狹隘又格於事勢搜訪仍有未周補缺訂譌尙猶有待書經付梓敢以志序爲請余去高要年餘於此事恆不去懷今得成書良用欣悅而諸君子之能終其事甚可念也抑余有感焉高要之爲縣控兩粵咽喉缺列一等自昔號爲重鎮顧生產不豐工業商業更無足言以視其他一等縣或遠不逮方今內治恢張事多興革而號令治察之行於縣者且十百倍蓰於前時不幸又有外至之憂虞舉國上下禦侮救亡之不暇官力疲矣民力尤悴宰斯土者將操何術以爲報最之具并有以撫柔其民乎余攝縣四年追維曩跡無可証慰既以自愧又未嘗不感於爲吏之難也今承諸君子之請走筆及此益於此邦不能無惓惓焉至是書之成中更多故梁君粹珊撰重修始末記言之綦詳後之君子可省覽焉

中華民國二十七年四月台山馬炳乾序

序

縣志猶國史文獻繫焉攷高要縣志成於前朝久待重編今得諸賢努力修纂搜羅宏博抉擇精嚴文獻重光潛德表着誠盛事也國難雖深幸喜金甌之無闕倭奴未滅仍賴碩彥之同仇是則余所願與邑人共勉者是爲序

中華民國二十七年元月廣東省第三區行政督察專員兼攝高要縣事李磊夫

序

國於大地之上而欲其內無禍亂之滋長外無強暴之侵陵以維持其生存獨立於永久而不墮者固賴乎政治之修明武備之整飭而尤在乎全體國民皆富有精誠愛國之心而人之愛其國者恆自愛其鄉土始愛其鄉土必於其鄉土之內舉凡山川之形勝沿革城邑之掌故變遷人物政俗之遞嬗流衍與夫先哲前賢之嘉言懿行里閭族黨之故實遺聞皆耳熟能詳認識深切於是愛護之念自不覺油然而生故縣之有志不惟一縣之文獻有所徵於感發人民愛護其鄉土之情緒蓋有絕大之關係焉高要綰轂西江居兩粵咽喉文化交通商業率爲鄰近各縣冠自昔兩粵開府道府設治已號要區民國成立以來時代雖有移易而地位之重尙屹然如故且其間人才崛起冠冕一時卓然有所樹立蔚爲國光者至今代有其人其事均足爲志乘生色而更考高要舊志成於有清康熙之世續修於道光之初至於今百有餘歲矣而適丁世運艱虞之會政俗人事奔流演進瞬息異易陵谷滄桑之感漂搖風雨之思惓念宗邦緬懷疇

昔不有紀述則放佚闕疑者將何所徵繹後來者將何所放仰此重修縣志之舉所爲亟不容緩也本志之經始遠在民國四年中經人事之變遷環境之阻障以致斷而復續止而復作者至再至三猶賴邦人君子堅苦不渝務完初志迄今歲而全書告成鐫聲今春調綰縣篆值寇患方深籌策兵饌旁皇夙夜然幸得與此邦賢士大夫遊輒喜諸君子於多難百憂之餘而猶不忘於繼續前修完成地方文獻風雨如晦鷄鳴不已其宣力之勤用心之苦已良足多尤喜其體例之精嚴紀載之翔實文辭之美茂足以感發邑人愛護鄉土之心更冀讀此志者擴充其愛鄉土之心以愛其國由是而外捍強寇內息災祲以樹國家永久生存獨立之基則諸君子二十餘年所慘澹經營者爲不虛負矣聽鼓鼙於江上撫髀驚心眺烽火於國門瞋眦裂血區區之意願與邦人勉之

民國二十七年六月東莞王鐸聲序

重修高要縣志始末記

本縣舊志始撰於清康熙十二年繼修於道光五年至於今又百餘年矣同治間雖有續纂然所紀載既病簡略亦欠翦裁名曰續修志稿以備後人之採覽而已自是以來世變愈劇人事愈繁其間文物變遷政俗沿革月異而歲不同不有輯述後葉何徵重修縣志之議倡始於民國四年其時主理閩邑總局事務者爲何君拔初鄧君策臣集議重修縣志舉出籌辦員陳滌吾梁粹珊孔劍坡梁煥枏吳幼舫鄧策臣何拔初謝仲瑋馮季俊陳叔瑾羅次唐龍建侯陳簡肅何殷貽鄧沃平胡友篴等一十六人是爲茲事之濫觴以經費無出議而未行

七年主邑局者周君葆真羅君杰三時保衛團局奉令停辦衆議將停辦保衛團局經費移充修志之用於是經費始有緒矣方擬舉辦而周主局病卒遂不果

八年主邑局者吳君幼舫羅君次唐邑局所在爲字祖廟三月二十八日字祖倉頡誕期邑紳及各班代表咸集僉以重修縣志發議數年遷延至今不宜再緩遂卽日議決

開辦并仿番禺縣志組織大綱設董理五人每班一人文牘會計一人總纂一人分纂六人其測繪採訪各員俟開局後再定當衆推舉人數於原籌辦員外每班增四人或五人如頭班馬西鈞孔叶篴等二班何文蔚等三班陸佐宸等四班吳功補謝星島等五班梁玉如等凡二十二人繕列名單函縣選聘賀縣知事繻珊旋發出聘書以吳幼舫羅次唐孔劍坡孔叶篴胡友篴爲董理陳滌吾梁粹珊吳功補梁玉如謝星島馬西鈞爲分纂鄧策臣爲文牘會計聘請東莞陳伯陶子勵先生爲總纂是年四月在肇慶中學內陶徵君祠設局任事議定採訪人數及分任採訪地段暨捐款條例志書分類綱目等一切規畫已粗就緒七月有代表何某等以未與三月二十八日會議爲憾倡議謂修志未經大集會議手續不完函致邑局質問而邑人亦有附和之者九月各董理分纂總辭職於是各代表開會議決志局暫行停辦

十年汪縣知事宗準復令邑局從速籌議續修縣志以竟厥成四月邑局召集各班代表及邑紳開會討論辦法定董理二人分纂六人不必分班選出採訪員由各班各選

六人附城加選二人以六箇月爲期評議員由各班各選十人評議員不支薪金總纂一人不限本縣籍先用投票法選舉分纂當選人爲梁粹珊馬西鈞梁玉如謝星島謝仲瑋梁金城由邑局關聘粹珊辭以得票次多者黎郁雲補充謝仲瑋病卒以鄧策臣補充六月選舉董理當選人爲吳幼舫吳軒臣幼舫辭以得票次多者周承誥補充并選舉何展良爲收支員其餘採訪評議亦經選出多人擬定聘請南海何炳堃屏瓊先生爲總纂總纂居廣州九月分纂董理齊赴廣州會議志書體例及定分纂分任工作決定體例仿朱一新鼎父先生德嚴州志馬分纂任地理篇謝分纂任營建學制篇鄧分纂任舊聞篇梁分纂玉如任經政篇梁分纂金城任職官選舉篇黎分纂任食貨篇金石及藝文各分纂同任搜集編輯其後藝文篇謝分纂任之金石篇鄧分纂與承誥分任之惟人物篇互相讓後由何總纂兼任十月設局於字祖廟開始辦事并聘定馬伯衡慕容冰如余心符爲測繪員十一年縣議會成立地方不敷用志局遷於張公祠十一月滇桂聯軍東下地方倣擾有張少荃者藉桂軍張希斌之勢闖入志局威逼立

刻遷出而局中器具及局員衣物則被截留掠奪志局大受蹂躪局員有被毆者不得已遷於城西劉園不旬日值桂軍張呂之變閉城數日糧食斷絕局中員役至啖木瓜粥以充饑十二年志局又遷忠勇坊梁家花園三月又遇攻城之變局近北門城基槍彈紛落屋瓦洞穿數處測繪員馬伯衡在局爲流彈掠及眼眉幸僅微傷然亦險矣六月秩序稍定各員回局任事如故十一月梁分纂金城病卒以陸佐臣補充十三年七月各分纂以肇慶中學書樓於上年粵桂之役被焚無書參考同往廣雅書局檢書寄寓廣東修志局日夜纂輯期以二月內成稿乃不匝月又遇廣州商團繳械之變各分纂星散奔避且是時纂輯之難不祇無書考據最棘手者是採訪員無資料但原定採訪六箇月爲期期滿多不允再採訪卽有稿來亦多不適於用於是又增聘採訪員二人以資補救以採訪至成書爲期十四年乙丑正月何總纂人物篇鄧分纂舊聞篇均脫稿而是年四月鄧分纂病卒八月何總纂又病卒總纂生時屢催各分纂交稿惟多未編輯完竣祇得鄧分纂舊聞篇未及修改因已抱病且自知病重難愈先擬定志書

序文其後志局結束時將此序文及志稿彙送閩邑代表執委會收管而此序文不知如何遺失甚可惜也

自何總纂歿後邑人推舉馬分纂西鈞爲總纂馬先生辭後舉梁分纂玉如爲之已允而又辭是時各分纂已陸續成稿因無總纂編輯事業遂停頓且局中經費竭蹶稱貸亦窮十七年三月志局實行結束而志書猶未成也十八年覃縣長元超撥來經費二千元十九年陳縣長同昶推舉范百勤先生爲總纂由縣參議會致送聘函范先生辭翌年又推舉陳重遠先生爲之已受任二年矣乃未及歲事而病卒是時志稿既未編訂完成且凌亂難以整理其弟子鄔君慶時願繼師志續成之於是又以鄔君爲總纂鄔君番禺縣人畢業前清兩廣方言學堂高材生尤嫻文學歷修寶安縣志龍門縣志及番禺續志等惟吾縣志稿當零落散亂之餘鄔君以外邑人於邑中掌故既多不詳而前之纂輯各員又多已物故無可商榷者爲之亦頗不易故雖經釐整一再次邑人仍遲徊而未敢付刊也

二十四年五月馬縣長以志書久未出版邀請邑中紳學界審查決定其事尤貴難於陳君滌吾梁君謙雲而并及於余余等屢辭而弗獲已又重以余總司令之敦促遂於暑假時在女子中學開會討論余等之愚以爲志稿固應重加修訂然此特小節目耳至其大體原以當時纂修在民國初年故所紀載斷自前清宣統三年止而今展轉又多歷年所情勢已殊吾國政體改革爲古今一大變端其因果機構迴環變動見於一邑一鄉者亦紛紜而不可窮而治制之得失民生之利病尤有心人所欲考求者也乃限於體例缺焉弗詳夫修志者何也爲其考古證今以適時用也民國成立二十餘年矣今出版之志書可考見者祇屬宣統以前之事實何適用爲故宜完成宣統以前之紀載俾舊有可考并纂輯民國以後之志乘庶新有可觀無舊者則新者無所溯其源無新者則舊者無以著其變相資爲用相合而成而斯志乃得爲完備也衆皆曰善以復於馬縣長馬縣長遂可其議先是二十三年九月鄔君成稿時縣參議會推舉周承誥吳軒臣賡續設局主理校刊之事翌年九月志局改組辦理覆訂其舊者而纂輯其

新者舊曰宣統志新曰民國志擬合爲一編由縣聘請分纂各員孔劍坡任宣統志地理篇人物篇內列女耆壽方外寓賢民國志學校篇羅功武任宣統志地理篇民國志民族篇梁煥枏任宣統志營建篇民國志營建篇交通篇宗教篇陳滌吾任宣統志經政篇民國志政制篇大事篇梁繼雲任宣統志金石篇食貨篇內之賦稅鹽法倉儲庫饌民國志食貨篇人羣篇梁粹珊任宣統志食貨篇內之實業物產民國志地理篇禮俗篇生業篇吳幼舫任宣統志職官篇選舉篇民國志堤防篇吳功補任宣統志學制篇藝文篇舊聞篇文徵民國志藝文篇范百勤任宣統志人物篇列傳民國志人物篇內仕宦表畢業生表不設總纂一切由各分纂合議裁定之局設主任一人劍坡兼任之幹事二人周承誥吳軒臣任之并以周承誥及關佩文何殷貽黎漢傑吳端玉等爲採訪十二月功武病卒所任地理民族篇由劍坡兼任之次年劍坡患足疾不良於行辭職由功補代爲主任所任地理民族篇由幼舫功補分任之其後煥枏亦患腦病不能執筆所任宣統志營建篇已竣而民國志交通營建篇擬合爲建設尙未脫稿也宗